



Ioannes Vlatenus ex nobili familia apud Belgas natus, & honestè educatus est. Is cum prima artium & linguarum fundamenta iecisset, ad altiora studia animum contulit, & in uirum doctissimū euasit. Id cum Cliuensis dux percepisset, eum plurimū dilexit, inter consiliarios recepit, & res magnas administrare iussit. Accidit autē tum, ut Cliuensis dux Geldriam occuparit, atq; cum Carolo Cæsare simulrates exercuerit. Cum autem ob aduentum Cæsaris magnum bellum instare uiderēt, Anno 1543 Norinbergæ comitia celebrata. Ad ea Vuilhelmus hunc Iohannem legatum misit, & res magnas expedire iussit. Ibi Electores & alij principes

intercesserunt, & cum Granuellano de inducijs egerunt, interea dum Cæsar eas approbaret. Eas etiam Ioannes accepit, & cum pacis esset cupidus, intercessoribus gratias egit. Verū interea inter Cæsareanos & Cliuenses ad oppidum Sittardum prælium commissum, in quo Cliuenses superiores facti, Galli hortatu Inducias repudiarunt. Erat id Ioanni molestissimū, dum rei euentum cognosceret, & multis prædiceret. Itaq; postea cum Cæsar uictor esset, multò clarior factus, dum omnes eius prudentiam, & in rebus futuris perspicacitatem, uiderent, & admirarentur. Verū mox eius princeps cum Cæsare in gratiam redijt, & ipse apud omnes in magna autoritate fuit. Ioan. Sleid.